



AWITHANG PA
ZAI



AMITHANG-PA ZAI

BY

E. M. SAILO, B. A.
POLITICAL OFFICER, NAGA TRIBAL AREA.



ATTENTION:

This book is the property of the Govt. of Assam. In case of causing damaged or lost, the borrower is purely responsible for it. He/She shall have to pay the fine or the actual price of it.

Below, due date is notified. Exceeding the due date, 10 paise per book per day shall be fined.

DUE DATE: DUE DATE: DUE DATE.

To My Father

AWITHANG-PA ZAI

BY

L. R. SAILO, B. A.

Political Officer, Naga Tribal Area.

(COPYRIGHT RESERVED)

First Edition
1,000 Copies

AIJAL
1953

Published By
L. LIANZUALA & BROS.

PRINTED AT THE ZORAM PRINTING PRESS, AIJAL.
AND
Officer of the
Sub-divisional Librarian
AIJAL, AZO District

No. 708
Date ... 27.5.1970

THUHMAHRUAI

Hmasâng ata Luseite hi zai ngai sâng hnam kan ni a. Kan khawtlâng nunah, kan lungngaih kan hlim niah kan hlate hian kawng pawimawh tak a awh fo thîn a. Hmân lai mite phei chuan hla hi infak nân te leh inhau nân te pawh an hmang thîn a. Chutianga hlate inhau nân emaw, inphuah el nân emawa miin an hman chuan mihring leh mihring inkârah emaw, hnam leh hnam inkârah emaw buaina leh inhmêlmâkna tha'lo tak te a siam thîn a, indona hial pawh a thlen thei thîn a ni.

Lusei hlate chuan tawng hran, hla thu kan tih hi a nei bîk a ; chûng hla thute chu tawng pangngaih kan hmang ngai lo va, hlaah chauh kan hmang thîn a. Hnam dang tam zâwk chuan an tawng pangngai chuk-tuah remin hlate an siam thîn a, mahse Luseite chuan kan tawng pangngai leh hla thu kan tihte chu kaih-pawlhin hlate kan siam thîn a. Hei hi kan hnam hla hnam dang hlate aia a danglamna a ni.

Hmân lai chuan dân narânin miten hla thu kan tih ang chu tûn lai néna tehkhin chuan an hre deuh bîk a, mahse thangthar zîngah kan hnam zaite chu chawi sânnna a awm tâk vak loh avângin hla thu mawi tak kan neihte chu a chuai telh telhin a lo lang ta. Mahse thangtharte pawhin kan pi kan pu a tanga kan neih, hla thu mawi takte chuan rilru a khawih theih bîkzia chu kan hre hlein a rinawm. Chuvângin hla lama hnam dangte aia kan danglamna leh hnam dangte aia kan chungchuanna chu hloh aiin chan fo a tûl zâwk a ni.

Kan hnam zai hla thua siam thiam mite chuan tawng pangngaih sawi theih lohthe kha mawi tak leh

chiang takin, rilru khawih takin an phuah thei a. Chûng chu hnam dang ɻawngin a tlukpui a dah theih loh chang ni lovin, Lusei ɻawng ngei pawhin a awmze thûk takte chu ɻawng pângngaiin dah a harsa ɻîn a ni.

Kan hnam zai hla thu mawi tak hmanga phuahtute zîngah chuan Awithanga pa hi a hmingthang ber pâwl a ni a. Hla tam tak a phuah a, mahse a phuah zawng zawng chu briat sén a ni lo va, amah ngei pawhin a bre reng thei tawh bawk hek lo. Hêng a hlate hi ama puuh ngeia lâwr khâwm a ni a, hun harsat lai ber, indo lai pawhin tlâwmngai takin mi pui ɻîn a, chuvângin a chungah lâwm thu sawi loh rual a ni lo.

Hêng hlate hi ngun taka kan chhiar chuan Awithanga pa hla phuah thiamzia chang ni lovin, kan pi kan pu nun dân tam tak pawh min briattir thei a. Keini ɻhangtharte tân hêng Awithanga pa hla mawi tak tak leh hla thu thiam taka a hman dânte hi zirtirtu ɻha tak a la nih beiseia, hêng a bla lâwr khâwmte hi buatsaih a ni.

Awithanga pa chanchin :— Awithanga pa hming tak chu Hmârlûtvunga a ni a; Hmârâwna emaw, Hmâra emaw ti pawhin an ko bawk ɻîn a. A tleirâwl laia hla phuah a chin ɻantirha nupui a neih hma aṭangin hlaa chawi remchâng atân tiin, ‘Fa ka neih hun chuan mipa a nih leh Lalawithanga ka sa ang a, hmeichhia a nih leh Lalawithangi ka sa ang,’ a ti ɻîn a, chutiang ngei chuan a fa neih hmasak ber mipa chu Lalawithanga tiin a sa ta a ni.

Awithanga pa hi Râlte, Lelhchhun hnam a ni a. Kum 1887 January thlaah Kângmun khuah a lo

piang a, a pa Dothanga chu lal thian a ni a, chung
lai chuan Kângmun khua chu Suakpuilala fapa
Lalzahrâwka'n a awp a.

Lusei rama Vai an lo len lajin Awithanga pa chu
naupang kum li milek a la ni a. Chutih lai chuan a
pa Dothanga chuan a thihsan a, a ú hmeichhe pakhat
chauh nêñ a nuin a tûlpui ta a ni.

Awithanga pa hi a naupan lai chuan naupang phut-
khat deuh tak, fiam nuam tak a ni a, a lungkham
zâwng chu Vai lem siam te, thing pui tlûk te leh se
lem siam te a ni a. Se lema a chan châng chuan a
chalah hruiin a inhlîng a, a inthlung chawp a, mi
veivâkte hian, 'Sial ka vua e,' an ti a, an han vaw
thak a, tin, ani chu sial angin a tâl ta thîn a ni.

Tin, Hmârlûtvunga (Awithanga pa) chu an lal fapa
Khawvélthanga nêñ inkâwm rual an ni a, an naupan
lai atangin an puitlin thlengin an inbél zêl a; khawtlâng
chungchângah, dam mawh hritlân, chhiat ni that niah
te tlâwmngai takin an bei dûn zêl thîn a. A tleirâwl
chhuah tantirh, kum sâwmpasarih leh kum sâwmpariat
a nih vêl lai atangin hla phuah a lo ching tan a. Kum
1904-ah kum sâwmpariat vêl a nih laiin nupui a nei a;
tin, 1905-ah fapa a nei a, chu chu a tleirâwl tirh laia
a lo ruat lâwk sa tawh angin a hmingah Lalawithanga
a sa ta a ni. Mahse Lalawithanga chu, chu mi kum
vêk chuan nausên duhawm tak a nih laiin khawsika
nain a thi ta a. Chutia a fapa duhawm takin a thihsan
ta mai chu a tuar êm êm a, a sûnna hla tha tak
takte pawh a phuah a :

'Puini chu lém ang zu der teh la,
 Nang chu Awithang, ka tuai lungrun,
 Hring lamah lo kîr leh la.

Ka thin hnîm e, ka lung zûr ngawi e,
 Piallung khâr hawng ila Ainâwn
 Chawnpui pâr chuai ang maw e.'

Tichuan Awithang-pa chuan hla phuah a lo uar deuh deuh va, Kum rei lo te chhûngin a hming a lo lâr ta êm êm a ; a lo hmingthanna chhan ber chu mite'n a hlate chu an duh bîk avâng leh an chawi lâr êm vâng a ni.

Khawvelthanga Sailo, Maubuang khuaah a indan tîrh lai atangin Maubuang khuaah a awm ve a ; an khua chu in tlêm tê an nih lai pawhin Awithanga pa chuan a hlaahte thiam taka chawiin, 'Buang khaw pér pui' a ti ñin a. Awithanga pa chu chutia a lo hmingthan tak êm avâng chuan latte pawhin an khuaah awm tûrin an duh a, pém tûr te pawhin an sâwm huai huai ñin a, mahse chûng sâwmnate chu hlaa thiam taka ohhangin :

'Tu lal lai zû mah a thlum chuang lo,
 Hmâwng ang ka pêm lo nâng e, Lalawithangpa,
 Belh ngai Lal-dânga ka ñhen thei lo.'

a ti ñin a ni an ti.

Awithanga pa hi a lo puitlin hnu chuan Maubuang khuaah lal upa thusa ber a lo ni a, kawng engkimah ñhenruual kawm zo tak a ni a. Kum 1918-ah Kristian sakhuu a lo pawm ta a, chuta chin chu khawvel sai phuah a chawlhsan ta a ni.

Awithanga pa hla awm dān :— Awithanga pa hlate chuan tlângpui chi hrang hrang a huap a, chu-vângin mite rilru a khawih dān a danglamin a zau bîk a. Hla phuahtu tam tak chuan tlângpui pakhat chanh neiin emaw an phuah a, lunglén lam ngawt emaw, lung-nghaih lam ngawt emaw an thlûr bing tħin a ; mahse Awithanga pa hi chuan a hun leh a ħumuna thil hrangte awm dān ang ang khân tlângpui chi hrang hrang neiin a hlate chu a phuah tħin a. Hei hi hla phuahtu dangte hla aia Awithanga pa hla a danglamna a ni.

Awithanga pa hlate chu tlângpui chi hrang pangah then theih a ni.

1. **Lunglēn zai** :— Nulât tiangvâl lam lunglēnna hla.
2. **Khawvēl thil a phuahna** :— Rannung leh Khawvēl thil dangte a phuahna hla.
3. **Lusūn zai** :— Khawhar zai emaw, mitthi ngaihna lam hla.
4. **Mihring a phuahna** :— Lalte emaw, thenawm khawvēng chawimawia a phuahna hla.
5. **Inphuah elna** :— Inhuatna emaw, inelrelna emaw avâṅga a tħa lo zâwnga huat theih tûra inphuah elna hla.

Awithanga pa hla thu rēng rēngte chu a thûk êm êm a, hla phuahtu narânte'n an hman phâk ngai loh leh hman nachâng an hriat lohte khân a hla tam takte chu a siam a. Hla thu rem taka chuktuah a thiam avâṅgin mite hriat sa thu narân emaw tihte pawh kha rem taka chuktuahin awmze thar neiin mawi takin a hmang tħin a. A hla thute chu a bul bîk a, mite

(vi)

hman narân ang lo tam tak a hmang thîn a ; chuvâng.
in Awithanga pa hi kan hnam hla phuahtute zingah
chuan pawimawh leh hmingthang ber zînga chhiar tûr.
in a tling ve rêng a ni.

May 11, 1952,
Tuensang,
Naga Tribal Area.

L. R. Sailo.



Hmārlūtvunga
(Awithang-Pa)

AWITHANG-PA THUCHAH

Tûn lai thangthar finna leh thiama kawnga hma lam sâwn zélte u, kan Mizo hnam nun dân hlui kha tûnah hian kan lo changkânsan ta a. Kan ṭawngkau-chheh dân mawi tak leh kan hla thu kal hmangte kha tûnah hian kan zîng tam takte chuan a awmzia kan hre ta lo hle mai a ; chuvângin kan pi leh pu aṭanga kan thil hlu tak neih chu hloh aiin vawn fo a tûlin a lang a. He mi ka hla lâk khâwm aṭangte pawh hian hmân laia hla thu kan hman dân leh kan pi leh pute lo nun dân leh an rilru put dân leh an thinlung kal hmang a ḫen a zâr chu a lang thei ang.

Kan ṭawng hlui tha leh hla thu mawi takte chu a bo loh nâna Pu Lairinthanga Sailo, Naga Tribal Area Bawrhsâpin khâwla chhut túra a lo buaisaih avângin lâwmawm ka ti êm êm a ni. Thangthar lo lian zêl túrte tân pawh he ka hla lâwr khâwmte hi hmasâng kan hnam hla thu kal hmang briattîrtu atân ṭanpuittu a nih theih ka beisei a ni.

Ka zai rem sa ding zêl ang che thâm ral suh,
Tuan thuah chang zêl ang che lanu lêng thar
Thin laiah châm zêl la vul reng rawh.

Zo ram hmatiang sâwnna sâng zêl rawh,
Hei ang biahzai hnam tin lung kuai ri mawi hi,
Ro thilah vawng rawh se lêng zawng hian.

Thaikawi zia ṭialah a chuang kim ta,
A siam tâk e Captain vâl Sailo Ngûrin,
Hulêng rual naufate lung lâwmna.

Kan vul lai leh kan vâng lai a chul zo ta,
Chhim lei thuah riat piallei kârah Awithang-pa,
Kan la thâm ral tûr a pawi ngei mai.

Kâwnpui

26. 9. 52.

Hmârlûtvunga,

(Awithang-pa).

A CHHUNGÀ AWMTE

Lunglén zai

- Nula Chawngthangpuii a phuahna.
 Nula Thanseii a phuahna.
 Nula Laltinzovi a phuahna.
 Nula Laldaii a phuahna.
 Nula Chhûngi lo zin a phuahna.
 Nula Saingéni a phuahna.
 Nula Zairemthangi a phuahna.
 Nula Lallianngûri a phuahna leh chhânnna.
 Nula Dârhawlhi nêna an inphuahna.
 Nuthlawi Thangkûngi a phuahna.
 Awithanga nu Laltinzovi a phuahna.
 Mi khaw nula a phuahna.
 Lalkhawtlingi leh Hrângliana a phuahna.
 A chhim zin laia a phuah.
 Lunglén zai dangte.

Khawvél thil a phuahna

- Dingdipuantah (Arsi) a phuahna.
 Maubuang kawtchhuah bûl thing thli chhêm
 [thlûk a phuahna.
 A kawngkhâr biang pâr a phuahna.
 A pârva a phuahna.
 Ni a phuahna.
 Vakul kah a châka a phuahna.
 Bûng thing a phuahna.
 Khaw dur a phuahna.
 Buh a phuahna.
 A hruih chim a phuahna.
 A thimkual Sâp a pêk a phuahna.

Ni âwk lem a phuahna.
Tuikhur a phuahna.
Thangfên tui tlân a phuahna.
Vau thing a phuahna.
Hmuifâng tlâng Lallianvunga hmuun a phuahna.
Kawngpui sial hnua sakei kah a phuahna.
Chhimitir no vâkvai a phuahna.
Thâl ruah sûr a phuahna.
Suakbuka'n vai âr leh berâm a pêk a phuahna.
Thangnang kai a phuahna.
Mautâm a phuahna.
Lei a phuahna.
Chawnpui pâr a phuahna.
Tlawng tui lian pûma an kân a phuahna.
Thlâm tlaitlâna thosi a phuahna.
A ñhelrêt thing phun a phuahna.
Vapual kah thlák a phuahna.
Khaw ñha túra a phuahna.
Lova sava vén a phuahna.
Thlâma vainronghâk a phuahna.

Lusûn zai

Lalawithanga thi a phuahna.
A nu thi a phuahna.
Sailo Lal Suakhnúna fapa Lalhuliana thi a
[phuahna.]

Lusûn zai dangte.

Mihring a phuahna

Khawvélthanga Sailo, Maubuang lal sa kah a
[phuahna.]
Amah leh a ñhenawm Laldochhûngi pa a phuahna.

A kawng bo a inphuahna.

A khaw thim a inphuahna.

Upa Tuahkúnga'n zai a aih ȶuma a phuah.

Suakbuka zai aihnaa a tel ve hman lo a phuahna.

Awithanga-pa tel hman nia **Suakbuka** bâwng
[leh vawk talh a phuahna.

Sailo Lal Suakhnûna leh a in a phuahna.

Sailo Lal Hrângliana leh a in a phuahna.

Hmunpui khaw nula a phuahna.

Lal khua-leh-tui tân a phuahna.

Inphuah elna

Awithanga pa (Hmârlûtvunga) leh Diriallova
[(Khâra) inphuahna ȶhenkhat.

Mi dangin Awithangpa an phuahna

Patea'n Awithangpa a phuahna.

Awithangpa an phuahna dangte.

Awithanga pa zai thlûk hrang hrangte

Hrilhfiahna ȶhenkhatte

—: 0 :—

LUNGLÉN ZAI

Nula Chawngthangpuii a phuahna

1. Ka dâwn Thangnêmi mah kûr lo va,
Ka dâwn loh tlânga lenbuangin,
Leltê a kûrpui reng e.
2. Rûnah i zâl dûn ang nêmduaiin,
Râmloha sîr sâwn chu Thangngo,
Dâr tui ang i luang thîn e.
3. Nang leh kei chu kumtluanga lungrua tawh hnu,
Buang khaw tlâng liai luai hi Thangngo,
Di tian nân a mawi lo ve.
4. Ka tawnmangan a hmêl ka hmu e,
Hai ka thangin ka kiang ka chûl,
Lungruni zâl si lo ve.
5. Thangnêmi mi nuthai i chan chuan,
'A mawi lâwng e, kan Buang khawpui,'
Zaihnûnpupa'n a ti e.
6. Lurh pui thang tawh hnu mahin di an tian e,
Buang khaw khanthuam laiah khân e,
Lungdi ka tian zo lo ve.

Nula Thansei a phuahna

- A 1. Tûrni leh zûnlêng a tâng kawp e,
Seipuii ngaiin zalam tung kai
Sâng rêng rêng ka zuam lo ve.
- A 2. Ka kiu ruai ruai ang lelthang angin,
Hrângpuia ni'n ka suihlunglêñ
Nêmin mi tuarpui lo ve.
- A 3. Khawtlâng ri hiauin lung min lén e,
A zûnlêng a rawn tîr em ni ?
Ka tâh nân rêngah e.
- A 4. Riakmaw-vain thing tin tâng lai a dil e,
Chûnnu'n thaiah va dil chhin la
Hrângpuia ni nui hawihi.
- A 5. Kâr a hla e Sâppui lamlian dung tluana pheila!
Khua ka tlai e lén mawi Seipui, [vâwrna,
I lung tum vâl min hrilh la.
- A 6. Tûkin chuan e, phai khaw chhuah tlâng lam
Seipuii sai ang a ngîr lo, [kaiah,
Thinlai a pangkhang reng e.
- A 7. Chung vânrial rûm lénkâwlan a thang chhuak e,
Ka biahthu a thang chhuak zo lo,
Lén mawi Seipuii tâwnah.
- A 8. Buang khaw leltê di ngaiin a fam lo ve,
Awi ka nu e ! Seipuii zûn
Léng ngaiin ka fam âwm e.

Nula Laltinzovi a phuahna

- A 1. Ka vuan ang che suihlunglêng hnêman,
Chhîngpuii leh nang chu Lalngô,
Tlâng khatah in zâm hmun e.

2. Kei chu pualhrâng chan ka nuam mang e,
Thargvânah lêng ila saw hmâr
Tlângah khua tin va chuan i.
3. Ngai a tâng e, ngai a hleihluan tâng a e,
Lahniangi zûn ngai a tâng e,
Ngai a hleihluan tâng a e.
4. Ka uai e thingte sah kûr angin,
Pialleiah luang zo tui thiangin,
Zûnlêng a tlêng zo lo ve.
5. Tui lo lian e, Tlawng tuipui a lo lian e,
Længngha chang i Chhîngpuii nêñ,
Li laiah bual nuam ing e.

Nula Laldaii a phuahna

1. Phaiah phunchawng a lo pâr e, va tinrêngin
Buang khawpui kan pâr e Lalngo, [dâwn ɬîn e,
A thlum nêm te'n dâwn ve la.
2. Thlangtlai mual liamah lung ka hêr e,
Chal ki ɬha leh nang chu mi u,
Khua mawiah lo lêng rih la.
3. Suihlunglén niin ka tawng lo ve,
Buang khaw pêr pui tlângah,
Laldochhûngi zua leh nui hawihi.

Nula Chhûngi lo zin a phuahna

1. Kan lénlai zû dâwn rih la ɬha lêng siali,
Kan chhîrchhan Buang khaw tlâng ni dul ruai
A rem.lo Chhûngpuii ding rih la. [hnuaiah,

Nula Saingêni a phuahna

- B 1. Saw saw Hmuifâng pui saw an kalna,
Nikhûmchhingpa Vung dâng ngai lo ang hianin
Nuih mawi a liam e thlangtlai zamual.
- B 2. Saii ngaia Sailungruni nang ngaia Nikhûmpa
Khawtlâng tina luaithli ka nûl ka riang e,
Tah ruai thlang puan ang ka bâng thei lo.
- B 3. A ṭiahṭâng nêm te'n ka chûl lêm lo,
Khua tin lang tlâng ka zua rûnah Awithangpa'n
Milai pârtê ang ka lo lâwm e.
- B 4. A kal ta vai vai e lung min lén,
Ânka khuai ang biak lohin mual a liam e,
Hnutiang hawi ve ang maw Saidâwnin.

Nula Zairemthangi a phuahna

[rawh,

- C 1. Buang khaw dawnlung ngîr hmunah mi lo nghâk
Thlangtlai lêntu pal nêm zing ri riai hnuaih
Mahni chuan Thangpui liam lui suh.
- C 2. Ko kîr an kal lâwm ni tlângtiangah
Mi u nunnêm tuipui thiang râl a kai e,
Awithangpa ngai lova lunghêri.
- C 3. Ramloh khaulêng palaih ka tir ang che,
Thlangtlai zamual khûmin lêng dêr dêr ang che,
Kûngi u Thanghniangi rûn ngeiah.
- C 4. Mauraw dung dawh ânnêmpuii rûn a lang,
Ritva chang i fulênga tum ka nuam e,
Pârva tlâng Thanghniangi rûn ngeiah.
- C 5. Engtin ngai maw Buang khawpui huthang vâlin,
Tân lasi siam hreuthang mual liama ai chuan,
Kûngi u khangawi a pawi zâwk e. *

Nula Lallianngûri a phuahna leh chhâンna

1. I hnutiang ngaiah mi siam ang maw ?
Kan inthen nân thlangtiang phai phûl a zau ve,
Tuan rôl kal Lalhniangi kîr leh rawh.
2. Dâr khawtlâng hniam rawh i sâng lua e,
Kûngpui mi ril Lalnêmin tahpuan khâwng e,
Thlîr ing e lunglén a bâng thei lo.
3. En teh Bual tlâng khuan ka lung min lén,
Kep chhingchheng dâr bun mawi Lalhniangi
Tûnah hian lêng maw tha mâm ziari ? [tualah]
4. Kan lênnna Chaltuai a dang tûr chu
Han thlîr ang che Dâr khaw zo liai luai tlângan
Thingte hnuhchhâwl þhuai a thîm ta e.

Nula Dârhawlhi nêna an inphuahna

1. Sailo Laldângan a tîr che'm ni ?
Sâppui phurhhlân rawn siam che Lalawithangpa,
Tuan rôl kal sialin ka lo hmu che.
2. Sailo Laldângan mi tîr chuang lo,
Vaipui sakawr a lian hi a lian hi ngam ding awm
A tlâng nghînin nghîng e ngûr zawng zawng. [lo,
3. Suihlunglénin Awithangpa'n khawtlâng ka chuan,
Dârngo awm khua hliahtu thinglenbuang nêñ
Khawtlâng zawng zawng fûr minin kai se.
4. Kan tawng thei si lo ve Dârmawii,
Phunchawng dâwn lai a zîk kuajah Awithangpa,
Ka zai zâm vêlin va man rawh se.

Nuthlawi Thangkungi a phuahna

- B 1. Kan khaw kâr lêntu a zîng reng mai.
 Pualva ânnêm Awithangpa'n ni chhûn lâwmah
 Zui lai rem thei lo ve Thanghniangi.
- B 2. Huiva lo lêng Awithangpa'n ka zâwt ang che,
 Kungpui ânnêm ɻhadâng i chhâwn ngai em le
 Liantlâng Dârngo chawi Thangnuihiauvi.
- B 3. Ka hâwi ang che Awithangpa'n rumal nêmin
 Ka zâp ang che Liantlâng ainâwn chawnpuipâ^a
 Vul mawi Thangkûng, Thanghmêl^bhai.
- B 4. Kan vah tlai thli nge maw Thangngo zûn ?
 Khawlai bûngpui rawn chhêm che Lalawithangp^a
 Chawilai ka nêmpuan a lêng dêr e.
- B 5. Pârah chang i, ramloh lêntu pâr mawiah,
 Thangngo ɻumkawng bellei mualah ɻo ila,
 Min thliak dah law maw e nau lâwmah.
- B 6. Kan bawhâr siangah a lawiemaw bâwm in khâr le
 Kungpui biahnêm dawng lova Buang khaw zâwlah
 Tuar har rêng rêngah khua zîng leh ɻhîn.
- B 7. Hmâr khaw lam thiang thing lenbuang a ngai
 [lâwm ni ?
 Kâwlingo lo lêng thla khâwng lo ri Awithangpa
 Nun iangin di rawn chhai thangvânah.
- B 8. Tual lêng lo chhâm ang a zâl' an ti,
 Kâwla awmlai eng kher nge Thangnunnêmi
 Sakruanga khau anga lo vuantu ?
- B 9. A chûn Dârhniangin bâwl zai a râl lâwm ni ?
 Liantlâng chhawkhlei pâr mawi in famtîr dâwn e,
 Awmlai hnâwtîr rawh puithiam zawng zawng.

Awithanga nu (Laltilzovi) a phuahná

1. Mi tâwnah Lalnêmi hlui mah la,
Kei ka tâwnah sîrte ainâwn
Chuai lai i nei si lo ve.
2. Tlaini tlâkin siang a lawi lo ve,
Zua Rûmlianan Lalngô zîng zin
Kawt dai a khâr em ni le ?
3. Tual va lén châng tawn loh khua mah rei lua
Thapui nang tel lova ni lén [Lalngô ka ti e,
A har hmaloh tûl angin.
4. Tlaini tla hliap râl a kai e, thangvânah her liam
Lalngô ânka dawn ni awm lo, [thûl e,
Tuar har khua a zîng leh thiñ.

Mi khaw nula a phuahna

1. Heti ruai ruai zawng ka tuar zo lo,
Bâng leh ila Thapui di kan tuah hmain,
Khawtlângin nang zûn a phur thei lo.
2. Khawtlângin nang zûn a phur nêm maw,
Chînlai khûm vâl huthang tângah lo kai e,
Ti hian lairilah mi fang vawng vawng.
3. Tuite lo luang saw hmâr tlâng zalam kawiah
Nikhûmchhîngpa thinlai râl ang a tħâwng e,
Dâwnin Thanglunghnêmi ngai ing e.
4. Ka vawn ruai ruai maha lung her lo,
Khawtlâng nau ang Awithangpa mi tahtîr e,
Milai tinkim dâwn a sei ngei e.

Lalkhawthangi leh Hrângliana a phuahñq

- A 1. Thlunlu maw bal ang a na e,
 Laikhumah chhâm ang zâl chu Lalnêmtonu
 I awmlai vei a la kiang lo em ni le ?
- A 2. Lalnêm a kûr Léntlângâ puirua angin,
 Khuangpui ring leh Dochhûngpa zùn
 Lêng a ngai ve em ni le ?

A chhim zin laia a phuah

- D 1. Romeiah emaw va zâm ila,
 A va chang i chung pualhrângah Thanzaupa
 Ngaih a tam khua tin va chhiar chhuak i.
- D 2. Ka zua thlafam hlei ka ngai chuang lo,
 Ka ̄ap ruai e chhim tlâng Ruangtui kuam phaiah
 Hawihkawm leh Dârpuii u ngaih chu.

Lunglén zai dangte

- F 1. Kan lénlai nghil nghiala di kan chhai,
 Hai ang tar leh sakhmél chul túr Awithangpa'ñ |
 Ka dâwn khâwl lung rēng a awi thei lo.
- F 2. Suihlung kâwl ang vâr thiam lo ve di ngaih vâng, |
 Tûn lai taka ka tinkim dâwn Awithangpa,
 Thangril âr khuanah ka hai rum rum.
- F 3. I nun vai puan ang a nêm si a,
 Tinrêng fâwmah Rodânghméltha i piang e,
 Awithangpa lunglénna kher ngeiah.

4. Tah dâwn leh tlâng rôl ka dâwn si a,
Thâl favâng kâwl chhûn khua êng ri riai hnuaiyah,
Awithangpan lunglén ka sîr sâwn e.
5. Pi pu lenbuang hrui a tling law maw,
Suih rôl ing e kan khaw kârah Awithangpan,
Pualhrâng ngaih lungruni lêng zighthna.
6. Kan nghah pâr mawi kûng a tâng zârah,
Leltê ang hian ka uai e Nikhûmchhîngpa,
Hmâr tlângpui Lallungi ngai ing e.
7. Ka thai her la dungthûl chan i nuam lâwm ni ?
Nikhûmchhîngpa vân hnuai thang he hu rûnah,
Thadâng lo lawi ang che nau awiah.
8. Mi hal lo la i ânka ka dawng nuam e,
Sâpbawipuipa hmâr tlâng sial mah hian lungdi,
Sih zâwlan buan ang a pawm leh thîn.
9. Sâpbawipuipa sial hmingthang a huang lai lûm,
Lamzâng ki tha a kiu di zûn a ngai e,
Keimah iang rêng rênga ram nuamah.
10. Rîtva chang i Thuampuiah zu tum ila,
Lêngngha chang i Sâpbawipa dîl tui hmingthang,
Li laian kei zawng ka bual ngei ang.
11. Buang khaw vâl kan nun a iang em ni ?
Zai lo sa e ri tleng tleng âwn thing zârah,
Lêntu ngîrtling maw e fâng kotu.
12. Buang khawpui vâl rual kha lung zûr maw,
Lelte nun nêm Rodâng lêng awi a kiu ve,
A vâwr e lunglen sâng thing lêrah.
13. Awithangpa di ngai a iang em ni ?
Chhuahtlâng mawi leltê a kiu ve ngîrtling zai,
Khawtlâng pui lo awi muul hiai luai.

- G 14. Lêm ang der thiam tê ka hma ngai rawh,
 Buang khaw pér pui sél rûnah i zâl dûn ang
 Puan phah la.
- G 15. Chunglêng huiva chan ka nuam e Awithangpa
 Sai khaw bûkthlâm zau laiah
 Va chuang ila lêng auvin.
- G 16. I zûn ngaiin Awithangpa ka uai rua lo,
 Nanga hmél leh rawvawm tuai
 Tha lêm naw ni lêm naw ni.
- G 17. Ka chung chhawrthla thangvân pui siar hnuajah,
 I tâwnah lunglai ka mâwl e Dârhmêt ha,
 Dârhmêt ha.
- G 18. Pûma zai r eng r eng a chul dâwn lo,
 Tl ng b wk Chh ngl rin
 Ch wmkhuang b ng z l ang, b ng z l ang.
- A 19. Suihlungl nin mual leh tl ng hl n nuam ing e,
 Z wlpui khan  huam s rva l ngah
 Chan ka nuam Vungd nga e.
- A 20. Kan khaw k rah dai tui luang lo,
 Khawmual things r ch m reng e, [n m duai kha.
 Biak ka nuam e cho har Chh ngpui ânka tui ang
- A 21. Tawh ka nuam e vawiin ni ngeian,
 Suihlung a l ng ti kh n nau ang
 Chaltuai mi  ahpui mahna.
- A 22. Lung a l ng Chh nghniangi ka ngai mang e,
 Mualkawi dung sei khan  huam
 Ni hliapah ka l ng ve si lo ve.
- A 23. Awithangpa rai ka rah lei v ng a,
 Lungkham mi n thai i chang t r,
 Pualva thiang tlei dang lakah.

24. Kâwl khaw romei a kai zîng riai e,
Lalawithangpa suihlung mâmlin,
Lên sîr a sâwn bâng lo ve.
25. Zâm zâm ila khua thâl romei angin,
Zâwt zêl ang e vân hnuai khua tin,
Di ngai kei ang awm maw e.
26. Khua thâl romei a zâmin tlâng a bâwm e,
Chuti suihlung a lêng mi u,
Ni lênin han dâwn ing e.
27. Suihlunglêngin fam awm sela,
Râl nuam ing e chhîngkhualan thinlaiah ai ang
Lairilan thawh châng nei e. [a chêng e.]
28. Kârah Thangnêmi palai rawh se,
Tlâng hlim thing ang her lo nân' e,
Ka di a lén chhûng zawngin.
29. Tlei dang lungkham rêng a awm lo ve,
Chaltuaia chhai lai di a ni,
Tlei dang lo chantîr suh u.
30. Hmânah chuan e lungruni sakruang silna
Fiara tui dam te'n a luang e,
Ka thinlai a thar leh e.
31. Tûrni lo chhuak kâwl kawta dan nuam ing e,
Tûkin chhuatlâng zalam thuam lianah,
Kan ngîr hmun si lo ve.
32. Zalamlian khu ka hawi ngam lo ve,
Hmânah ka di riang hleii nêñ,
Za te'n nau ang kan nuihna.
33. Mi han biak la sianga lawi rawh maw,
Nau ang thahlai rêng ka bâng lo,
Mualkawi Thangnêmi ngêñin.

- A 34. Di zûn ngaiin nau ang kan ṭap e,
 Khaw chul ram loh âwn thing zârah,
 Huivate nau ang ṭap e.
- A 35. Ka di lo chu ṭhapui ka ring zo lo che,
 Thai hnâwl ila chung kâwlngo ang,
 Lén a rei dah law maw e.
- A 36. Tual va lêng tâng hmâr tlâng an dai lungrâwnan
 Hawihkawm lenrual ngaih leh di zûnin
 Kei mi zêm em ni le ?
- A 37. Ka chung kâwlngo lungrualin an lêng hmun e
 Kumtluang lungrualin kan mawi lo,
 Ṭhapui tûn kum chhûng lo chu.
- A 38. Tângah khawihnrû a bâng êng ruai e,
 Tu luahin chul ang maw ainâwn
 Zîngpuii u nuihawihi.
- A 39. Fângfa lo te'n ril râwngin a thêm dah ngai,
 Changhnah zikin Lalngo rauthla,
 Chhûnrawl dam te'n lo hlân u.
- A 40. Hnam pui mi ril keini cho rua si lo va,
 I tâwnah lunglai ka mâwl e,
 Mi lai Laldâwtuai e.
- A 41. A pawi mang e Dârpuii nén kan pian a inrual
 Lénlai chul hnu din thar ila, [lo chu,
 Khua kan mawi tawh si lo ve.
- A 42. Tawnmang lunglén ka tuar zo lo ve,
 Duh leh ka thai zamual liam rawh,
 Mi u an dâwtuai leh e.
- A 43. Suihlunglêngin sirvaa chan nuam ing e,
 Tuahfavâng pár tlânah Thangngo,
 Kan intawng dah law maw e.

44. Nang changin di i ngai bil lo ve,
T̄huva lēng tē kei pawh zo kai
Tuanmawii ka ngai mang e.
45. Sēnlai nau ang ka tlei mawh tlāng dum dūran,
Ka lungdi khān min la hawi maw,
Min la ngai ve ang maw e.
46. Ka la ngai che ka la hawi ve che,
Tap ruai ruaiin ḥapui ka rawn
Zawng che mi tukram danah.
47. Lung a lēng e būng zārah khua va chuan i,
Kei chu pualhiāng di chān anga
Ka lēng khua ka tlai thlāwn e.
48. Phai a zau ve muvanlai lēnna,
Tlāng a sāng e Lai khaw zo pui,
Pualva ianga Lalngo lēnna.
49. Thle nghial nghial la tlāngā thli chhēm thing
Sawilai hming dai lovin lēng rawh [angin,
Hēl lai ngûnte-siri.
50. Saithanchhūngpa a luāng dang lo ve,
Zo tui in thiang hmâna di nēn,
Kawr puan kan sūk lai angin.
51. Kan intawhna Sâppui zalam phei duaian,
Zodângin nêm te'n mi chhâng lo,
A lunglēng lo em ni le ?
52. Haw rawh Saihniang chhuahtlāng lamah lēnlai i din
Siahthing inṭang tlāngah kan zâr, [thar leh ang,
Laldâng khua a mawi mang e.
53. Ka vuan ang che Lalhniang i châwn bânah e,
Tlāngā siahthing zaman hmâwngin
A vawn lai a bâng lo ve.

- E 54. Buang khaw lelthang kiu mah hian 'ka di' a ti
 Kei pawh 'ka di' ti nāng e ti ti nāng e, [then thei lo]
 Luah hrâm ang di ti nāng lungrualpui.
- E 55. Khua lo ṭhâl e, romei chhûm a kai chiai e âw tlâng
 [khanah]
 Buang khaw siktui tlâng dâwn lai a lo kâm e,
 Ngaihlai thar leh ta Chawngpui nun hlui.
- E 56. Hawi vêl ila Buang khawpui Mizo tlâng nuaman
 [vâl zawnng zawnng]
 Für khaw thiangah romei zám lo kâwl êng e,
 Ngaihlai kan bâng lo di lungruni.
- E 57. Huiva lén thiam chan chu ka nuam e,
 Chhim leh hmâr kâwl hrûtin khua chuan zêl ila,
 Cho rúa kan thai tûr âwm lêng ve maw.
- E 58. Tuah khaw tlâng lal bâwm saw khua romei,
 Thangvân sâng kai rih ang che, Nikhûmchhîngpar
 Ka thlîr ang Lalhniangi tual lênnä.
- C 59. Ka vuan ang che mual liam suh ka hma ngai rawh,
 Buang khawpui vâl huthang rûnah lo lawi la,
 Lian tlângpui dawngrâl chu kai lul suh.
- H 60. Zân mu ka chhîng lo ve ril ṭhangah,
 Phu loh zûn lêng ngaia laikhum thleh nêmah,
 Tawnmang kan chhâl ṭhîn e lunglén vâng.
- H 61. Leltê leh leltê a uai hmun e,
 Khaw zo siahthing a zâr hnuaiyah zâwl siali,
 Di leh di nêm te'n i uai hmun ang.
- H 62. Heti teh ruaiia ṭhadâng kan ngaih,
 Leltê-ah chang ila thing tin hnâh mawiah,
 Uai ka nuam tâng vuanin.

63. Khua pér pui lunglén a rual em ni ?
 Romei zám e tuahpui pár a vâng laiah,
 Hmâna rual di ngaih ka bâng thei lo.
64. Di min tuahpui hjan ka ring nêm maw,
 Hmingthan'upa tûr tui ang dâwn a hlau ve,
 Dorâl ang min tih e hmélthain.
65. Buang khawpui siang lawi ka zuam nêm maw,
 Ka tlu ruai e khang thiang tung kailâwn hnuaih,
 Awi ka nu, Thanpuia ni ngaih chu.
66. Nau ang tahlai réng ka bâng nêm maw,
 A zûn ngaih miu thlang zo lér lûr hnuaih,
 Chhâwl ang uai réng réng e Nikhûmpa.
67. Ka tâh ruai thang maw e dawngrâlah,
 Kan hmun in leh ram laiah Nikhûmchhîngpa'n,
 Dâwn ing e keimah e ngaithlâwna.
68. Awi ka nu, thuam ang ka do zo lo,
 Réng khaw zâwlchhun Tlawng tui a leh luan hma
 Bâng lo vang Thangpuia ni ngaih chu. [chuan,
69. Saisêñ sih nau ang ka tlei thei lo,
 Tap hluam hluam e Laldâng bâwngtê Thanzaupa,
 Chuti Rodâng tâwna lunglén chu.
70. Mintlâng leltê-in mi hau em ni ?
 Rodâng ngaia tahlai bâng rawh a lo ti,
 A lo ti lunglén ka bâng thei lo.
71. Ni tin Chaltuaian ka dâwn vawng vawng,
 I hming nau ang ka taphui thiñ Ronêmi,
 Nang chuan lunglaiah mi vawng lo ve.
72. Chuti Thanzaupa ka lunglén chu,
 Thing tin zika Dârpuii û thuai ka nuam e,
 Ka thliak dâwn tlâng râwna chhâwl li liai.

- H 73. Mintlâng hmâwng hnuiah ka uai hniang hniar
 Thapui, nang nêñ phaia lunglêñ tuar chu,
 Zo kaiah nêm te'n i tuar dûn ang.
- H 74. Ka ngai bâng thei lo ve lung min lén,
 Mintlâng chul hnu zalam phei di diai tê saw,
 Hmâna mi u nêna kan kalna.
- H 75. Kan thlawh sâwmfâng mah kha vul si lo,
 A ram ngaihin Mintlâng mu ang ka ngai e,
 Kan lén lai tê nêñ a chul za e.
- H 76. Chung khaw ri nêm te'n a kal ruai e,
 Ram lovah zu ing e siang lén bûkthlâmah,
 Rodâng ngaih lunglêñ a tho tual tual.
- H 77. Rodâng ngaih lunglêñ ka tuar zo lo,
 Sâmtlâng puithiam i ruai ang Lalzanékpâ,
 Min thawi se lunglêñ a dam mahna.
- H 78. Ka sâwm kim e min hnémah va ír lêng rual,
 Thanghniangi tel lo hian keimah te'n nau ang
 Tapin lelthang tin ka lo bia e.
- H 79. Thanzaupa lunglênnâ ni ri riai,
 Mintlâng chul hnu ráltiangan chuan zéi ila.
 Kan bûkthlâm tê leha Dârpuii u.
- H 80. Lung a lêng e chhim tlâng khua han thlîr ing e,
 Thadâng ka ngai mang e lunglêñ-
 Ah rual ka khûm em ni le ?

KHAWVEL THIL A PHUAHNA

Dingdipuantah (Arsi) a phuahna

2. Si-ar laian ka lung min lén e,
Vân záwlah an lénge e di nén,
Tahpuan an khâwng rei mang e.

Maubuang kawtchhuah bûl thing thli chhêm thlûk a phuahna

1. Hmânah hlim thing nuam atân kan zuah,
Buang khaw chhuahtlâng timawitu bûlpui hming.
Kâwlâwn virthliin a her tliak e. [thang,
2. Bûl mawi a fam ta a pawi ngei e,
Hmânah Lalngo, Dârpuii u leh Rotuaii,
Lâwm lai lungrual zaa an ngîrna.
3. Chhim thli pui rûm vung a tuar zo lo,
A pawi mang e tuah thing senmeiah kai e,
Hmânah lelthang tâhna bûl liai luai.

A kawngkhâr biang pâr a phuahna

1. Lalawithangpa ka vâng lai maw ka chuai lam,
Khârtung ka sâwn lai a pâr e,
Mak châng rêng rênga mi sêlah.

A pârva a phuahna

1. Ka zuat chalngéng anga rûn lûmtu,
Di leh Awithangpa a ngai lo,
Pârva tual lén mawia e.

Ni a phuahna

- A 1. Tla rawng rawng la tuar a har mual pui khûm la
 Ni ri riai Lalawithangpa tuar.
 Ah a nêm hlei nêm maw le.
- A 2. Tûrni sa veng vung e hmâwng lâwnah,
 Zo hnuhchhâwl ang a uai ang tih ka hlau ve,
 Chung lûm lai ni dul la thangvânah.

Vakul kah a châka a phuahn

- A 1. Tuahpui lo pâr thlangah vai puan sen angin,
 Chengrâng phîrin chhai ka nuam e,
 Chungah kulva lo fu rawh.

Bûng thing a phuahna

- A 1. Bûnga, thang la pualhrânga lâwmah,
 Vâl kan lâwman milai Chhîngpui,
 Thangthar a dâwn tuai leh e.
- A 2. Sâppui tumkawng lamlai a luahstu,
 Ka zua rolung phun bûng zârin,
 Zâwlpuí khan  huam a mawi e.

Khaw dur a phuahna

- A 1. Chhailai ngaia Laldochhûngpan luathli a nuai lai
 Lurhpui thang nau ang a nuar e, [angin,
 Sâmtâng a insût vêl e.]
- A 2. Rûm rûm lo la ka chung khuangruah lénkâwlah lo
 Kâwnpui fâltiang tiâng khampheiah [thâm rih la,
 Chhermei kan la chawi lo ve.]

Buh a phuahna

1. Kâwnpui ram leh Kaih tlâng a indawng reng e,
Lallai siamah sâwmfâng mal za,
Rawng lawi aw kan rûnah e.
2. Champhai rih li Léntlâng mi fângrawng khuang
Sâwmfâng mal za a lo lawi e, [ang kan ko ve,
Awithangpa hruih zâwlah e.

A hruih chim a phuahna

1. Kan thlawh sâwmfâng hruih zâwlan a tling tawh
Kan tuah khâwm mau-rua a kûr e, [hnu,
Suar ang a chim zo ta e.
2. Zozâm ka pal dai a ngui ruai e,
Sâwmfâng kan thlawh zahlei hming ṭha,
Hâwktui ang luang zo rawh e.

A ḥimkual Sáp a pêk a phuahna

1. Lalawithangpa ka dâr thîr kual mawia kha,
Thlangah vai rêng sâppui rûnah,
Hawih te'n a inbâng reng e.
2. Awithang thlafam leh dâr thîr kual tawn ni awm
Vai ang thám e phûl zîng rûnah, [leh ang maw e,
Thlang vai rêng sumtualah e.

Ni awan lem a phuahna

1. Buang khua a hliap ruai ruai e kan lènna,
Tûrni ka en thangvân zâwlah,
Awk-pa'n khau ang a vuau e.

Tuikhur a phuahna

- A 1. Pialleiah vai ang thâm ral lo la,
 Buang khaw siktui kuamah luang rawh,
 Tling la Lalngoui dâwnan.

Thangfén tui tlân a phuahna

- A 1. Tui zu hmu i, lam  huamah tui zu hmu i,
 Chim loh Thadângin a thâl lo,
 Fênthang sialin a nghâk e.

Vau thing a phuahna

- A 1. Kan baw- rin tlai khaw v r a hai lo ve,
 Kan chhuahtl ng   uahpui vauvin,
 Vul lai a sual em ni le ?

Hmuif ng tl ng Lallianvunga hmun a phuahna

- A 1. Zokai laman lawhleng thingsir han hmu i,
 Hmuntl ng ph l di thle nghial nghial e,
 Lalniangi l n lai angin.

Kawngpui sial hnua eakei kah a phuahna

- A 1. Khua kan b wl e sa tin mal za kan s wm mah lawl
 Kan s wm loh z wk k wlkei hr ngin, [si lo va]
 Lal lai zu d wn hmasa e.
- A 2. Kan lal lai zu a rawn d wn e ziajial a fam sual
 Lald ng z am f n n n em ni ? [mang e,
 Mi hr ng v lin an riam e.]

Chhimtîr no vâkvai a phuahna

- I nu khawnge i pa khawnge maw an awm le ?
Lalawithangpa rairah riang keinah ianga,
Lam laian âr ang i lo vah chu.

Thâl ruah sûr a phuahna

- Buang khaw luailung tlâng chîlin a rawn chîl e,
Chhimah hnîm e hmâran khuangruah kai chiai e,
Liantuai changchi vâwr  o kim rawh maw.

Suakbukan Vai âr leh berâm a pêk a phuahna

- A mawi leh lam zâwk e bêr bêr a,
Lalawithangpa ka vai âr leh hmul viali,
Thlunglu mâm zîr ziara ki nei lo.
- Haulai vulh changsial ka ngai chuang lo,
A pa tûm e a pui mâm zîr ziar tualah,
A notê vei nêñ a kal dem dem.
- Nu thiam bêl ang kan vuak leh a kir nuam lo,
Sialin phîn e hmul viali sialin phîn e,
A lén ruai ruai tîn e dai kâwmah.

Thangnang kai a phuahna

- Lal lai senmei hliau i hlau lâwm ni ?
Thangnêm tlân la Buang khawpui Laltawii nu'n,
Haulai sial ki ang a khâwng ang che.

Mau tâm a phuahna

- Kan r l sual i mah a awm chuang lo,
Buang khaw tukram thlangtiang phai phûlah
A chang zo Laldâng a pawi ber mai. [maurua,

Lei a phuahna

- H 1. Hmingthanzaupa rēl a sual ngai lo,
 Mauraw lei sâng kan dawh e Buang khaw vâl
 A mawi e tleitiri lêng kaina.

Chawnpui pâr a phuahna

- A 1. Lam kawiah chawnpui pâr a tla e,
 Chhar ma nâng e Lalawithangpa'n,
 Ka di rim a nam lo ve.

Tlawng tui lian pûma an kân a phuahna

- H 1. Tuipui lian sen vung ka dai ngam lo,
 Mauraw pûm lêng rûn thangpui kan vai nêm
 Khuavêl Thanzaupa ka siang lawina.
- H 2. Siang lam zawn rēl ila Nikhûmpa'n,
 Tuipui sen vung pûm lêng a vâwr dawh sâng
 Thlang lâm zir chaltuai ka her thûl e.

Thlâm tlaitlâná thosi a phuahna

- H 1. Ka zuk ngîr chhin teha Nikhûmpa,
 Sianglén bûkthlâm tlaitlânah sihai lêngin,
 Thâl favâng pâr ang a lo lâwm e.

A ȶhelrêt thing phun a phuahna

- C 1. Sâppui lamlianah va hawi vêl la,
 Lalawithangpa than nân emaw hmâr tlâng thing
 A pâr vul thei lova kan siam e.

Vapual kah thlâk a phuahna

1. Zamanhmâwng zârah ni a tawi lai takin,
Pualhrâng di ngaiin a siam e,
Angûr a Lal-tlâng-lian-pa'n.
2. Pawm lai hraitê hrinhniang a thlau ve,
Pualva rual bûng zâr kai mawiin,
A ngai Laldâng di hnegin.
3. Thla an fam e Rih sâng an liam zo ta e,
Laldâng thang chungah chuang ang maw ?
Pualhrâng râwl liante zawng kha.

Khaw ṭha túra a phuahna

1. Eng atân nge khuangruah sûra kâwl a hnîm ?
Buang khaw ṭuahpui leh vau a chuai zo dâwn e,
Tûrnipui êng leh la thangvânah.

Lova sava vêñ a phuahna

1. Ritva vêng râl ṭha chu keimahni,
Riang kilan rua thlêrin sai ang lian tlangah,
Nun thiam ang kan zirna mual liai luai.
2. Nun thiam ang zira bân kan vâwr,
Mi thar sâwmfâng a pâr lai a rawn lâwr e,
Kêl chal pa pal nâwk a nâwk vêl e.

Thlâma vainronghâk a phuahna

1. Nikhûmchhîngpa vâl lunglêng a iang em ni ?
Ka piah lian tlâng khaw chul ram loh bûkthlâmah,
Nghâki lêng nau ang i lo ṭah chu.

LUSUN ZAI

Lalawithanga thi a phuahna

- A 1. Kan sa maw nuar ka chûni nu, a i emaw kan
Ka tuai duh lai bânah an kai, [sual e
Awmlai a nun râwng mang e.
- A 2. Ka thin zo chhûm ang a zîng e, ka dâwn lêm a
Fam ka ngaih lai takin leltâ [awm lo ve,
A kiu kan sumitualah e.
- A 3. A khi Lènpui khan thuam hnuaiah Dochhûngpa
Awithang thlafam tui Rih liah [i kal dûn ang
Kan va tawng dah law maw e.
- A 4. Ka thin hnîm e ka lung zûr ngawi e,
Piallung khâr hawng ila Ainâwn
Chawnpui pâr chuai ang maw e.
- A 5. Puini chu lêm ang zu der teh la,
Nang chu Awithang, ka tuai lungrun,
Hring lamah lo kir leh la.

A nu thi a phuahna

- A 1. Tuan a tûle in tib chuan e, zâwlpuiah hnâm va
Thlafam ka ngai mah nâng e aw, [lén i,
Ka u e Lalsiamkûngpa.
- A 2. Zu intawng maw vân khua zu hmun ang maw e,
Lêng za ang maw chûn riangi leh
Awithang ka hrinhnianga e.

Sailo lal Suakhnûna fapa Lalhuliana thi a phuahna

- A 1. Khua tin hriat pa nang chang a run bil lo che,
Khuavel chinlai dâr ring pui nén
An tap e rûn chhûngah e.

Phûlzing liam' hnu; tâh zaiin au zêl ing e,
 Thingpui lenbuang khâr lai an dan,
Ka nau Lalliandâng a e.

Lusûn zai dangte

Chang rawh tih theih kâwla zâwng khuang ngai
 Chawi dûn ila Chhingpuii nêa, [ing'e,
Awmlai lêng hnâwl nànah e.

Tap tap lo la nu chûn Lali nang chang a run bil
 Fam lo tûr chhûng an awm lo ve, [lo che,
Hlun ding Khuanu'n a siâm lo ve.

Kei ka chûn leh zua an fam mai tûr chu,
 Saisêñ ûm ang ka no laia
Nêmte puama min awitu.

MIHRING A PHUAHNA

**Khawvélthanga Sailo, Maubuang lal sa kah
a phuahna**

- D 1. A au ral ral Vâncchheupa mi hrâng em ni?
A lo thang e lian khua a rawn nghawr dim
Tahpuan khâwng an châwl e lêng zawng zawi
- C 2. Haulai chawl hrâng tûr tui maw a dâwn sual
Tlâng sa kâmkei sumtualah Lal Vâncchheupa
Lal lai ni thang puan a lo zâwn e.
- C 3. Kâwlah ngûnhnâm pai a mawi chuang e,
Chengrâng chawia ni thang puan nêñ Vâncchheup
Sumtualah Laldâng a hrâng lâm e.

**Amah leh a thenawm Laldochhûngi pa
a phuahna**

- A 1. Laldochhûngpa'n khuang pui sirah a bêl e,
Sîrvatê lâm a zir ngaiin
Awithangpa'n a zir leh e.
- A 2. Ring dim dem khuang va la u vawngpui lênc'hawn
Ka lâm ang e Lalawithangpa,
Thiang vahui hmâwng zár zawhin.
- A 3. Châwm bêng rawh Laldochhûngpa ka lâm dâwn
Nangmah hi maw Buang khaw zopui biahzai néñ
Vâwr thiam an hril che lêng rualin.

A kawng bo a inphuahna

- H 1. Mual a nuar em ni ka kal thiam lo,
Khua zin Ar ang ka vai e Hmingthanzaupa,
Siali khân riang min ti dâwn mang e.

A khaw thim a inphuahna

- A** 1. Zân thim khua a lo zìng e zo nêman,
 Khua kan tlai Thangpui u nêñ,
 Lawhlêng thingsiri hnuiah e.

Upa Taukûnga'n zai a aih ȳuma a phuah

- H** 1. Zachhûngpuipa rual zawng khùm zotu,
 Thing tin pâr mawi a sumtual leh siahtbing ril
 Sawngka vai puanin a lo zem e.
- H** 2. Ka piah hmâr tlâng sial nêñ lo ka chhîng dâwn e,
 Buang khaw pér pui tlânglâm hi vân hnuai thang
 Zawng tlâng lêng chenin ngai rawh u. [maw,
- H** 3. Tlânglâmín kâwl thlêk ka zir dâwn e,
 Buang khaw pér pui dam lai pialrâlah siali,
 Lênhâwm nêñ vâl zawng hi hawi ve la.
- H** 4. Zachhûngpuipa chînlai zawng i chhîng ngei e,
 I zai ngulin thangvân sang a hâwl dâwn e,
 Aw.....hâwl dâwn e.

Suakbuka zai aihnaa a tel hman lo a phuahna

- B** 1. Thiiana ngai la, "Thiak tlâng lal a pâr," an ti,
 A ri mual za thang vél e zo râwn tlângah,
 Sâpbawipa khuang pui a chiar nghian e.
- B** 2. Tûkin tûrni a chhuak sual e kâwl kûngah,
 Lalawithangpa tinrênga lêng vânduaia'n,
 Za tam mi tlânglâm ka chân ta e.
- B** 3. Lalawithangpa lung hêrin ka kal tâng e,
 Zo awi lelté tlâng bâwmtu pâwl chho nâng e,
 Vawiin chuân tlânglâm ka chân ni se.

**Awihangpa tel hman nia Suakbuka bâwng leh
vawk talh a phuahna**

- B 1. Khuavêl chînlai lêng hnênah a thang mawi ang,
Mizo changsial hnchin vai bâwng dawn tuai té,
Kan ngai hlu vâlin tlânglâmna.
- B 2. Lalawithangpa'n dârhaiin ka thâl dâwn e.
Atlâng thiumin thlum vêl e Sapbawipa mual,
Za tam an tlânglâm e par tlântu.
- B 3. Chînlai leh rual zawng a chhîng em ni ?
Kâwlah vai sum tangka chèng Sâpbawipuipa'n,
A vâwr kan mualah a ren hlei lo.
- B 4. Thiak tlângah kâwlgo zu lêng ila,
Sâpbawipuipa lam khuang pui hnam tin nau fa,
Awî lunglêng zotu a lo ri e.
- B 5. Thangchluak dâr no, no tin chhînga no mawia,
Chawi tui dawn nân a siam e Sâpbawipuipa'n,
Vân huaia khuavêl a thang len tûr.
- B 6. Sel lo rawh u hnam tin hrâi angûr vâlin,
Tlânglâm zai mawi siatun a ai ngei dawn e,
Sapbawipa hmingthan a sang tual tual.

Sailo lal Suakhnûna leh a in a phuahna

- A 1. Lallai thuah riatin a phuar vêl e,
Chhuavnâwrpa rûn a sai ngai lo ve,
Lîrpui a nghìn si loh chuan.
- A 2. Thing bang khâr chhûng a lênnna rûn thim ruai e,
Angur laiah Liandâng hrâi chawi
A lal ni ang sâng ber e.

Sailo lal Hrângliana leh a in a phuahna

1. A ri ruai ruai lêntupui sai râwl angin,
Liandâng khârtung thinglenbuangin,
'Lal bâng lo vang' a ti e.
2. Sâppui chhâwn thiam sial ki vârin zu hlân u,
Hmânah zâwl siali khuandim ang,
Tian dâr lâm ang a lêt e.

Hmunpui khaw nula a phuahna

*Hmunpui khaw nulain, "Awithangpa an tih hi ka
mu châk mang e âw," a ti a. Chu chu Awithangpa'n
a lo hria a, heti hian a han phuah ta a.*

- A 1. 'Hmuh ka nuam e' Hmun tlâng lanu'n a ti e,
Awithangpa hmêlah chûni nu'n,
Dâr tui a luan bil lo ve.

Lal khua-leh-tui tân a phuahna

- H 1. Mau mah tâm se hmâwng ang pêm a rôl tu tu,
Lirpuí ang nghîng lo vang che khua siam laiin,
Lal lai zai zâp ang che Hiângkhuipa.
- H 2. Tu lal lai zu mah a thlum chuang lo,
Hmâwng ang ka pêm lo nâng e Lalawithangpa,
Belh ngai Laldângka ka tñen thei lo.
- H 3. Thâng rawh maw e khuavél leh khaw vân hnuaiyah,
Buang khaw pér pui zo lér tlângah kan lâm e,
Neih chawng sirva kal mawi keimahni.
- A 4. Tlâng lian pui leh ka belh lai Lalchingkima,
Lênkâwlah ni a chhuah chhüng zawng,
Then lo vang kumi tluangah e.

- A 5. Zu i dâwn ang hnam-tin sa tlâng lungrualna,
Chawn tin lâm thang kan rôl laiah,
Lal tluang khua ngei a nuam e.
- A 6. Khua tin fang la chung muvanlai lêng angin,
Lalmânga chawi tukram zauvah,
Lên in nuam ve lâwm ni le ?
- A 7. A riang tiin ka chinlai khuavêlin mi sêl lo u,
Vân khua puan ang zâr leh nâng e,
Sâppui lamlian kârah e.

—

INPHUAHELNA

Awithangpa (Hmârlûtvunga) leh Diriallova (Khâra) inphuahna ȑhenkhat

1. Zaia sikhaw vâwr chuak lo la Diriallo,
Khuavêl chawl tui kan duh chuan keimahni ta,
Ka dâwn zât dâwn lo vâl ngawi reng rawh.
2. Thîm pawh zîng se Awithangpa chu zâwng mei
[bûl a chang âwm e,
Diriallo vâl erawh kulva thlehhniarâh,
Ro pui rôl rîng rînga ni lén túr.
3. Ka zai rûm vung khua tin fang kha lo kîr rawh,
Dirriallo vâl i phuar ang vêt sawmthumin,
A uang mai mai ȑhin e khua lianah.
4. Diriallo vâl athlâwnin ka uang ngai lo,
Ka zâwl an tam ka zâwl loh thing leh mau zât,
Zahlei zâwl khua lian ka thang leh ȑhin.
5. Di chhâiah lenrual ka el ngai lo,
Sâwmfâng zawn thiam ka ni e Lalawithangpa,
Achângin di zawng ka chhai ve ȑhin.
6. Diriallovan sâppui kâm a chang zo lo,
A piat ȑhi leh a zai khuavêlah zuar e,
Chînlai chhuaatlângah a ding teu to,
7. Diriallovan, 'Zai tinrêng ka vâwr,' a ti,
A vâwr sual e, a sawi ngîl leh thei si lo,
Vawkpui leh chêng sâwm a chawi ȑtu ȑtu.
8. A thai kawi bâwng tê ka lo hmu e,
Dawvân rawn kai Awithangpa rûn rawn dêng e,
Than chang lo vâla a hmin dêr e.
9. A sumdâwng koham a lo ni e,
Cbhûn râwl a zawng Lalawithangpa rûn chhûngah,
Buhchangrum leh sa a bâr tûn tûn.

- E 9. Buhchangrum leh sa a bâr tûn tûn,
A kham zo lo a tui hâng nêñ a dâwt e,
Than chang lo vâla a vir ber mai.
- E 10. Lalawithangpa vân hnuai than hi puan ang thlê
[theih chang sela
Diriallo vâl tlêmtê-in sem ve ila,
A va lâwm dâwn êm a nui ngei ang.
- E 11. Pau pau lo la Diriallo ka u leh nau,
Khua reiah i chhir ang tinkim dâwn la,
Mi tai zawng tui ang an tlâwm thîn e.
-

MI DANGIN AWITHANGPA AN PHUAHNA

Patean Awithangpa a phuahna

- A 1. I hril thiam lâwm ni ka zâwt ang che Nikhûmpa,
Mim ang pianna Sai khaw chul hnu chhuah.
Thangpuii hlân ang ka lo nghâk che. [tlângah,

Awithangpa an phuahna dangte

- A 2. A zem chiai e, zalêng a zem chiai e,
Buangpui Awithang vungdâng zaiin,
Zalêng a zem chiai e.
- B 3. Thangluah chawilai ngûr zawng tlâng a dêng an ti,
Chhimtiang rawn fang thlang hlei kâwlkûng hmâr
Awithangpa zaiin a dêng ohhuak e. [tlâng pui.
- B 4. Sämtlângah chûn nu'n mi chawi e Chaltuaia,
Lalawithangpa sakhming tui ang dai ngai lo,
Dai ngai lo khuavêl a thang ber mai.
- B 5. Lêngin an hril saw hmâr tlâng khawmual liamah a
[thang dêl dêl,
Milai fa leh Sämtlâng zo pui Awithangpa,
Sakhming tha khuavêl a lâr ber mai.
-

AWITHANG-PA ZAI THLUK HRANGTE

Awithangpa zai a lâr laia a thlûk an hman ṭhin
chu he mi buah hian a châng bul apiangah hetianga
chhinchbiah a ni :—

- A — Chhim thlang zai (Upa zai) thlûk.
- B — Fûma zai thlûk.
- C — Kaih nêm (Awithang-pa kaih nêm) thlûk.
- D — Thlawinâli zai thlûk. (Kaih nêm thlûk pawh a
[hman theih.]
- E — Tlawh zai thlûk. „ „ „
- F — Ke thêñ zai thlûk. „ „ „
- G — Chawlh dup zai thlûk.
- H — Tlâr:glâm zai (Chheih zai) thlûk.

HRILHFIAHNA THENKHATTE

He mi hla phuahtu Hmârlütvunga (Hmârâwna tia
an koh bawk) chuan a hlaahte hming hrang hrangin a
inchawi ṭhin. Chûng hming a hman lâr deuh deuhte
chu hêng hi an ni :

- (1) Awithang-pa.
- (2) Lalawithang-pa.
- (3) Nikhûm-pa
- (4) Nikhûmchhîng-pa
- (5) Thanzau-pa
- (6) Hmingthanzau-pa

Phêk 1

Thangnêmi, Thangngo — Chawngthangpuii.
Lenbuang — Thing. **Buang khaw tlâng** — Maibuang
 khua. **Tian** — Then, inthen. **Tawnmang** — Mumang.
Hai ka ɻhangin — Muhîl ka harhin. **Buang khawpui**
Zaihnûnpuipa — Khuaria, Awithang-pa ɻhian. **Lurhpui**
tian e — Hmân lajin tlangvâl pakhat ram
 chhuak hian Lurh leh Tân inkârah Lasi nula hmuithlûr
 thlûr lai a hmu a, chu nula chu a hmêl ɻhat êm avângin
 tlangvâl chuan a ngaizâwng ta êm êm mai a, ram chhuah
 ngaihsak thei lo khawpin tlai thlengin a rîm ta a. Lasi
 nula chuan hâwng túra a hrilh pawhin tlangvâl chuan
 hâwn zai rêng a rêl thei ta lo va. Mahse khua a lo
 tlai luat tâk avâng chuan inthen lo thei an lo ni ta lo
 va, Lasi nula chuan a bosan ta a. Chutia Lasi nulain
 a bosan tâk avâng chuan tlangvâl chu lunglêng takin
 a in lam panin thim hnuiah a hâwng ta a ni an ti.
Lungdi — Ngaihzâwng.

Phêk 2

Tûrni — Ni. **Zûnlêng** — Lunglén, lunglênnna.
Riakmaw — Sava hming. **Riakmaw vain.....dîl e** —
 Riakmaw sava hi thingthiang kûngah chauh lo chuan
 a riak thei lo va, chutiang a nih avâng chuan thing
 tin riah nân a zâwt a, thingthiang kûng a hmuuh veleh
 chutah chauh chuæn riak ɻhina sawi a ni.
Chûn nu — Nu. **Vân rial rûm** — Rial rûm.

Phêk 3

Pualhrâng — Vapual. **Nuam** — Châk, duh.
Thangvân — Vân. **Zûn** — Hmangaihna lairil, mi
 bipna, mi hiptu. **Piallei** — Lei. **Lêngngha** — Sangha.

Dawn — In. **Chal ki tha** — Se chal ki tha.

Khua mawiah — Khaw timawituah.

Buang khaw pér pui — Maubuang khua. Awithangpa hian a awmna khua Maubuang bi hlain a chawimawi êm êm thîn. Maubuang khaw siam tantirh laia in tlêm tê an nih lai pawh, “Buang khaw pér pui” tiin hlain a chawi thîn a ni an ti. **Laldochhûngi zua** — Hrâng liai a, Awithangpa thenawm pa. **Zua** — Pa. **Siali** — Nula koh nona. **Chhircchan** — Chênnâ bul, awmna bul

Phêk 4

Luaithli — Mittui. **Tiahṭâng** — Âwm. **Ānka** — Tawngka. **Khuai ang** — Khawizu ang, thlum. **Dawn lung ngîr hmun** — Lung dawh. **Khau lêng** — Khau Rûn — In. **Parva tlâng** — Parvatui khua. **Tân Lasi** — Tân tlânga Lasi nula, ramhuai nula. Hmân lai mite chuan Lasi chu ram sa zawng zawng siamtu leh an chunga thuneitu niin an ring thîn. **Hreu thang** — Sazuk ki hreu. **Khiangawi** — Pasal nei.

Phêk 5

Dâr khaw tlâng — Dârlung tlâng. **Sâppui phurh-hlân** — Puak, Sáp puak. **Laldângä** — Lal. **Vaipu-sakawr** — Vai sawrkâr. **Ngûr** — Lal.

Phêk 6

Huiva — Vahui. **Lian tlâng** — Hmingliana hmun Maubuang kiang Aizâwl—Lungleh kawng mêl 23 bul. **Vahtlai thli** — Lo vah zawh hnua thli rum tleh. **Tum kawng** — Kalkawng. **Bawhâr** — Ar. **Siang** — Ii bâwm. **Kawingo** — Kâwlhâwk. **Awmlai** — Natnu. **Khau ang** — Hruikhau ang, phuar ang. **Bâwl** — Thaw inthawi. **Famtir** — Thihtir.

Phêk 7

Zing zin — Zin. **Chînlai** — Thenrual. **Tuite lo luang**.....**kawiah** — Aizâwl leh Lunglei kawng Huelingohmun kiang tuikhawhthla lui.

Phêk 8

Thlunglu — Lu. **Laikhum** — Khum. **Zua** — Pa. **Thlafam** — Thi. **Ruangtui** — Phairuang lui. **Di** — Ngaihzâwng. **Sakhmêl** — Hmêl. **Chul** — Chuai. **Dawn** — Ngaihtuah. **Rodânghmêltha** — Dârrohnûni.

Phêk 9

Tiang râi — Mi sawi, mi sawisêl. **Thâi favâng** — Favâng. **Lallungi** — Lal, Laldânga tih anga lal nula koh nona. **Sâpbawipulpa** — Suakbuka, Awithangpa thenawin pa. **Ritva** — Sava. **Thuampui** — Muâl. **þhuam khua**.

Phêk 10

Sal khaw — Lungsai khua. **Rawvawm** — Raw hming, mau hâng chi. **Chhingpui** — Keikhum nula Lalchhing-puii, (Nunovi).

Phêk 11

Fiara tui — Tui thiang fîm tak, leh hmingthang. **Lusei ram khawchhaka** mi.

Phêk 12

Khawiñur — Thihna. **Zingpuli u** — Keikhum nula. **Fangfa** — Buh, chaw. **Ril rawnglin** — Riltâmin. **Changhnah** — Hnâhchang. **Rauthla** — Thlarau. **Tawn-mang** — Mumang. **Tuahfavâng** — Farjuah favâng laia pâr chi.

Phêk 13

Sénlai — Nausén lai, naupan lai. Thuva — Vaṭhu, ḥuro. Lai khaw — Laisawrāl khua. Lahniangi — Lalluui, Sailo Lianphunga fanu.

Phêk 14

Chawngpuui — Chawngthangpuui, Awithangpa tui kang nghahpui. Tuah khaw tlâng — Tuahzawl tlâng.

Phêk 15

Rodâng — Rotuahi, Maubuang nula.

Phêk 17

Si-Ar — Arsi. Tahpuan — Puan. Khâwng — Tah. Chhuahtlâng — Kawtchhuah. Virthli — Thli. Tuah thing — Thing tuah. Lelthang ḥahna — Thereng hrâmna. Khärtung — Kawngkhâr. Mi sêlah — Mi sawiah. Chalngêng — Sial, se chal.

Phêk 18

Tuahpui — Farṭuah. Chengrâng — Silai. Kulva — Vakul. Lamlaï — Kawng, lamlian. Chhermei — Meichher. Chhermei.....lo ve — Lo kan la hâl lo ve.

Phêk 19

Lentlâng — Pawi ram tlâng pakhat hming. Fâng. rawng — Buh malsâwmtu pathian, hmân lai miten bui ḥatna leh hlâwkna túrin an ko ḥhin. Sâwmfâng ma za — Buh za. Rawng lawi — Lo lawi. Hruih — Thiâm kawta buh dahna. Zozâm — Zámzo. Hawktui — Tuihâwk. Dâr thîr kual — Dâr ḥimkual. Hawihte'n — Hawihtein, inchawih takin, inhmeħ takin, inmawi takin Sumtual — In. Awk-pan — Awkin.

Phêk 20

Fênthang — Thangfên. **Khua kan bâwl e** — Kawng-pui kan sial e. Khuaa sa a luh nân inthawina kan hlân e. Hmân laiin khaw tinin kawngpui sial inthawina sa malsâwm túrin an nei ̄thîn. **Kâwlkei** — Sakei. **Ziaṭial** — Sakei. **Laldâng**.....em ni? — Lal puanfên sin nân em ni? Sakei kahin a lu aitu mi hausaw, lalin puanfên fêngin hmeichhe incheiin an inchei ̄thîn. **Mi hrâng** — Mi huai. **Riam** — Kâp, hriam thlâk.

Phêk 21

I nu khawnge.....i lo vah chu — Ni khat chu Awithangpa hian Sazu no vâkvai kalkawngah a hmu a, mihring hnêna sawi angin, “I nu leh pa khawnge an awm le? Lalawithangpa keimah anga tukhaw hriat-pui lohva mangang taka i lo vahvah chu!” tiin a han zâwt ta a ni. **Khuangruah** — Ruah. **Chângchi** — Thlai chi, chi tuh. **Hmulviali** — Berâm pui. **Senmei** — Mei. **Thangnêm** — Thangnang. **Khâwng** — Thang-nang khâwng emaw, la khâwl.

Phêk 22

Mauraw lei — Mau lei. **Mauraw pûm lêng** — Mau pûm. **Sianglân**.....tlânah — Thlâm tlaitlânah. **Sihai** — Thosi.

Phêk 23

Rih — Champhai kiang rih li. **Thla an fam e**.....ta e — An thi a, Rih li an thleng ta e. Hmân lai mite chuan mitthi thlarau chu Rih li panin an ring ̄thîn. **Nghaki** — Vainronghâk.

Phêk 24

Lēnpui — Léntlāng. **Awithang thlafam** — Awithanga thi hnu thlarau. **Piallung khâr** — Lung kuang. **Ainâwn Chawnpui pâr** — Awithanga, Ainâwn Ich Chawnpui pâr ang kha. **Puini** — Thihna, mitthi khua. **Hring lamah** — Khawvél mi nung chênnah.

Phêk 25

Phûlzing liam hnu — Thi tawh hnu. **Thingpui**.....
.....dan — Thing kuanga thlák. **Zâwng khuang** — Kâwla zâwng khuang, vuak apianga duh apiang tichhuak thei. **Hlun ding** — Kum hlun, thi lo. **Khuanu'n** — Pathianin. **Kei.....awitu** — Ka nausén têta hma-
ngaih taka mi lo enkawl leh mi tisei liantu ka nu leh
pain mi han thih bosan mai túr chu.

Phêk 26

Vâncsheupa — Khawvélthanga Sailo, Maubuang Lal. **Tahpuan khâwng** — Hmeichhe puan tah. **Au ral ral** — Hlado chham. **Hei hi Maubuang lalin Sazuk** leh Nghalchang aruala a kah tuma Awithangpa phuah a ni. **Tin, chu mi hnu chuan Sakei** a ai leh a. **Kâm-kei** — Sakei. **Nî thang puan** — Thangchhuah puan tsial.

Phêk 27

Tiânglâm — Lâmpui, zai an aihin hmân lai mite chu an tiânglâm thín. **Zachhûngpuipa** — Tuahkûnga, Maubuang upa. **Sâpbawipa** — Suakbuka.

Phêk 28

Vai bâwng — Bâwng.

Phêk 30

Lalmângä — Sailo lal thlahtu zinga pakhat. Sailo Lal chhûng thenkhat chu, "Manga thlah" tiin tûn thlengin an la ko.

Phêk 31

Chawl tui — Zu. Zawl — Ngaih. Säwmfâng zawn thiam — Buh leh bâl thlo thei. Vawkpui leh chêng sâwm — Chêng sâwm leh salam. Thai kawi bâwng tê — Lehkhathawn.

Phêk 32

Pau pau lo la — Tawng tawng lo la, chiar chiar lo la.

Phêk 33

Mim ang pianna— Lo pian chhuahna bul.

—x0x—

SAIKUTI
CHANCHIN

